

succedentia mœroribus gau-
dia, & dulcia colloquia, qualia
nimirum ab amantibus solent.
Filius Matrem intuens illi con-
tinuò lætiores afflabat hono-
res, complebátq; ejus mentem
clariore luce, & pectus gaudio
cumulabat: gratias ei agens quã
maximas de Societate dolorum,
de luctu, ærumnis, perpetuóq;
solatio castissimorum pignorũ.
Mater Filium contrectans, &
osculans perfanatum, multa ro-
gabat de acriore acerbitate præ-
teritorum dolorum, de gestis ab
eo in regionibus inferis, de spo-
lijs opimis ereptis tartaro. Quæ
omnia celerius mente, quàm
voce agitabant. Quas interim
credimus, mutuò Matrem inter
& Filium jaculatas amoris flam-

mas?